

龙溪精舍丛书

龙溪精舍丛书

華陽國志卷第十下

漢中士女

鄭真岳峙確乎其清

鄭子真褒中人也元靜守

道履至德之行乃其人也教曰忠孝愛敬天下之

至行也神中五徵帝王之要道也成帝元舅大將

軍王鳳備禮聘之不應家谷口世號谷口子真云

漢中與立祠

舊校云神中五徵未詳其義

衛梁泥盤元湛淵亭

衛衡字伯梁南鄭人也少

師事隱士同郡樊季齊以高行聞郡九察孝廉公

府州十辟公車三徵不應董扶任安從洛還過見

之曰京師天下之市朝也足下猶之人耳何其在
遠以虛名屢動徵書若至中國則價盡矣衡笑曰
時有險易道有污隆若樊季齊楊仲桓雖應徵聘
何益於時乎苟無所則尼軻栖栖是以君平子真
不屈其志豈子之徒也哉吾何虛假之有安扶服
之敬其言也

鄧公亢對忠枉原情

鄧公成固人也景帝時御

史大夫晁錯患諸侯强大建議減削會吳楚七國
謀反假言誅錯故吳相袁盎譖帝殺之拜盎太常
使赦七國七國遂叛鄧公爲謁者入言軍事帝問

王曰七國聞晁錯死罷兵不對曰吳王卽山鑄錢煮海爲鹽謀反積數十年錯患之故欲削弱爲萬世策諸侯憂之計畫始行身死東市諸侯莫憚內杜忠臣之口外爲諸侯報怨臣竊爲陛下不取也帝嘆息曰吾亦恨之武帝初爲九卿

博望致遠西南來庭

張騫成固人也爲人强大

有謀能涉遠爲武帝開西域五十三國窮河源南至絕遠之國拜校尉從討匈奴有功遷衛尉博望侯於是廣漢緣邊之地通西南之塞豐絕遠之貨令帝無求不得無思不服至今方外開通騫之功

也

子游師生讒巧所傾

張猛字子游騫孫也師事

光祿勳周堪以光祿大夫給事中侍元帝帝當廟
祭濟渭欲御樓船御史大夫薛廣德當車免冠乞
頸血污車輪陛下不得廟祭矣帝色不悅猛進曰
主聖則臣直今乘船危就橋安聖主不乘危故大
夫言之帝曰曉人不當如是也後與周堪俱以忠
正爲幸臣宏恭石顯所譖毀乍出乍徵堪平和猛
卒自殺

王孫養性矯葬厲生

楊王孫成固人也治黃老

家累千金厚自奉養臨終告其子曰我死輟葬以復我真但爲布囊盛尸入地七尺旣下從足脫之以身親土其子不忍見王孫友人祈侯諫之王孫曰厚葬無益死者也夫憚財送死今日入明日發此真無異暴骸中原裹以幣帛隔以棺槨含以珠玉後腐朽乃得歸土不可故吾欲早就真宅祈侯無以易卒輟葬如其言

司徒監使術暢思精屢登上司七政是經 李邵

字孟節南鄭人也少明經術爲郡侯吏和帝使者二人微行至蜀宿邵候舍邵爲出酒夜飲露坐邵

問曰君來時寧知二使何日發來耶二人怪問之
郃指星言曰有二使星入益部後一人爲漢中太
守命爲公曹察孝遂馳名爲尙書郎徙左丞稍遷
至尙書僕射尙書令拜司空又進司徒清公直亮
當世稱名順帝世薨

炎精下頽朱明不揚太尉謖謖任國救荒濯日暘谷
將升扶桑惡直醜正漢道遂喪 李固字子堅郃

子也陽嘉三年以對策忠亢拜議郎大將軍梁商
后父也表爲從事中郎授荊州刺史直州部有亂
至州先友其賢者南陽鄭叔躬宋孝節零陵支宜

雅表薦長沙桂陽太守趙歷卒當作辛已奏免江夏

南

按此下當脫陽南二字南陽太守高賜也見後漢書固本傳

郡太守孔疇高

賜爲昆

舊校云爲昆疑誤今按爲姓昆名南郡太守也見廣韻爲字下引風俗通云漢有南

郡太守爲昆舊校失之遠矣

等州土自然安靜徙太山太守克

盜賊入爲將作大匠多致海內名士南陽樊英

江夏黃瓊廣漢楊厚會稽賀純光祿周舉侍中杜

喬陳留楊倫河南尹存東平王惲陳國何臨清河

房植等皆蒙徵聘轉大司農順帝崩太后臨朝拜

太尉與后弟大將軍梁冀太傅趙峻並錄尙書冲

帝崩時徐揚有盜賊太后欲不發喪須召諸王至

固爭不可言國家多難宜立長君太后欲專權乃立樂安王爲質帝質帝崩太后復與梁冀謀所立固與司徒南郡胡廣司空蜀郡趙戒書與冀引周勃霍光立文宣以安漢之榮閭鄧廢立之禍言國統三絕期運厄會興崩之漸在斯一舉宜求賢王親近不可寢嘿也冀得書召公卿列侯議所立三公及鴻臚杜喬僉舉清河王蒜冀然之奏御太后中常侍曹騰私恨蒜說冀明日更議廣戒從冀固與喬必爭蒜宜立中興才也且年長識義必有厚將軍冀不聽策免固喬歲餘取下獄以無事出之

京師市邑皆稱千萬歲冀惡其爲人所善更奏繫之固書與二公曰吾欲扶持漢室使之比隆文宣何圖梁將軍迷謬諸子曲從以吉物爲凶成事爲敗漢家衰微從是始矣將軍亦有不利吾雖死上不慚於天下不愧於人求義得義死復何恨遂自殺二公得書惟自流涕士民咸哀哭之桓帝無道冀尋受誅漢家遂微政在闡宦無不思固也

元脩敦重威惠實亮

張則字元脩南鄭人也爲

牂柯太守威著南土永昌越雋夷謀欲反畏則換臨其郡相諫而止號曰臥虎以成狄勳遷護羌校

尉徵拜扶風又換臨桂陽皆平盜賊巴郡板楯反
拜隆集校尉鎮漢中徙梁州刺史又爲魏郡太守
所在稱治靈帝崩後大將軍袁紹表爲長史不就
丞相曹公拜度遼將軍

子雅溫恭見察文方

趙宣字子雅南鄭人也出

自寒微以溫良博雅太守犍爲楊文方深器異之
遂察孝廉官至犍爲太守

二珪琬琬三辰懸望

趙瑤字元珪琬字稚珪凡

七兄弟宣子也皆以令德著聞瑤少有公望瑤

當衍

始爲緱氏袁趙二公相與書曰趙瑤在緱氏猛虎

歸迹百里均耳叔

當作爾升按爾句絕讀升下屬也

平何難遷扶

風太守徙蜀郡司空張溫謂之曰昔弟五伯魚從蜀郡爲司空掃吾第以侍足下矣瑤曰諾尋換廣漢卒^①始爲青州刺史部下清肅徙梁相徵拜尙書不就卒

仲卿報友行義以理

陳綱字仲卿成固人也少

與同郡張宗受學南陽以母喪歸宗爲安眾劉元所殺綱免喪往復之值元醉臥還須醒乃煞之自拘有司會赦免三府並辟舉茂才拜^②農太守初至有兄弟自相責引退是後無訟者在官九年卒

天子痛惜賜家錢四十萬

伯度^元鏡榮辱屑已

李法字伯度南鄭人也桓

帝時爲侍中光祿大夫數亢表宦官太盛椒房太重史官記事無實錄之才虛相褒述必爲後笑帝怒免爲庶人恬然以咎失爲己責久之徵拜汝南太守遷司隸校尉湛然無自得之容

德公在林懸象垂晷旣冲雲清荀張^儀准

李燮

字德公太尉固子也父死時二兄亦死燮爲姊所遣隨父門生王成亡命徐州傭酒家酒家知非常人以女妻之延熹二年梁冀誅後曰經陽道暈五

車史官上書昔有大星升漢而西捲舌揚芒迫月
熒惑犯帝座則有大臣枉誅星在西方大尉固應
之今暈如之宜有赦命錄其遺嗣以除此異於是
下赦變得返舊四府並辟公車徵議郎與趙元珪
潁川賈偉節荀慈明張伯愼爲友伯愼爲潁川太
守與慈明交相論言偉節與焉京師以爲臧否伯
愼問趙元珪曰德公所言何元珪曰無言也伯愼
追嘆曰當如德公兒輩徒靡沸耳慈明亦寤而心
變拜東平相王爲黃巾所沒得出天子復封之燮
以爲不可果敗遷京兆尹時人爲之語曰李德公

父不欲立帝子不欲立王

伯臺處諫師言亢盡末命防萌妙覩^元揆

陳雅

字伯臺成固人也靈帝時爲諫大夫闔宦用事上
疏曰昔孝和帝與中常侍鄭眾謀誅大將軍竇憲
由是宦官秉權安帝幼沖和熹太后兄大將軍鄧
騭輔政太后適崩中常侍江京等殺騭安帝登遐
黃門孫程又殺車騎將軍閭顯孝桓帝又與中常
侍單超等共誅大將軍梁冀陛下卽祚太傅陳蕃
大將軍竇武尙書令尹勳等欲誅宦官絕其奸擅
盡忠王室建萬世策機事不密爲中常侍朱瑀等

所殺此卽陛下所見今宦官強盛威傾人主天下
鉗口莫敢言者海內怨望妖孽並作四方兵起萬
姓辛苦陛下尙可以安柰後嗣何帝不省納出爲
巴郡太守年七十五卒臨終戒其子曰期運推之
天下將大亂雄夫力爭無以貨財爲意吾亡依山
薄葬亡歲餘靈帝崩大將軍何進復爲黃門所殺
海內果亂終成三國也

孟度邵允

閻憲字孟度成固人也名知人爲縣

竹令以禮讓爲化民莫敢犯男子杜成夜行得遺
物一囊中有錦二十五匹求其主還之曰縣有明